

# Quaranta viadis tar perlas alpinas

Ina tura idillica tar il lai Viola?

■ (anr/vi) Na sulet la pizza, ma bain era ils lais alpins attiran alpinists e viandants. In nov cudesch descriva quaranta turas tar lais alpins. Per ordinari èn els talmain fraids ch'ins na fa betg bogn. Forsa be in bogn da pais. Ils lais alpins sa stgaudan adina pir suenter ina lunga periodo da bell'aura, e sch'i fa in u dus dis trid'aura sfradenta l'aua immediat puspè. Bogns en lais alpins è pia be per ils endiri. Ils lais da muntogna fascinescha dentant tuttina la gliued. Plitost pervi da lur bellezza che pervi da la pussaivladad da far bogn. Franz Auf der Maur ha gia concepi plirs cudeschs da viagià. Quella giada ha el scrit in cudesch cun quaranta spassegiadas tar lais alpins.

## La perla en il sid

Set turas en il Grischun cuntegna il cudesch. I va en regiuns enconuscentas e main enconuscentas. En la Val da Camp (Bernina) ha Franz Auf der Maur chattà la «perla da las Alps grischunas». Igl è il Lagh da Saoseo che stat sut protezzion da la cuntrada. La tura tar questa perla maina medemamain tar il Lagh da Val Viola ed ins passa anc speravi il Lagh da Scispadus.

Ils letgs da quests lais han glatschers furmà ch'èn dadiug luads. Ils glatschers han laschè enavos morenas che retegnan l'aua en ils fops glazials. Questas furmazions ves'ins be sch'ins guarda fitg precis. La vegetaziun



Il Lai Saoseo en la regiun dal Bernina – la pli bella perla en il sid da las Alps grischunas. MAD

sid-alpina lascha numnadamain crescher gaud fin sin 2200 meters sur mar. Perquai circumdat ina spessa vegetaziun ils trais lais alpins. Il Lagh Viola sin 2159 meters è enramà da lareschs.

## La perla en il nord

Il Lag da Cauma numna l'autur la perla dal nord da noss chantun. En questa regiun cusseglià Auf der Maur ina spassegiada da Flem enfin a la staziun da Versomi.

Autras turas grischunas èn: «Lai da Livign e lai da fermada Ova Spin», «Lag da San Murez-

zan fin als Vadrets da Morteratsch», «Lej da Segl, Lâgh da Cavloc», «Lâgh da l'Albignu» ed il «Lag da Pigniu».

En tut «cuntegnan» las turas radund 80 lais da differents chantuns svizzers. Era sch'i sa tracta da lais da muntogna na ston ins betg exnum sa render en las autezzas. I vegn cusseglià era spassegiadas che sa chattan en il fund da las vals. In chapitel resguarda il Giura cun intgins lais ch'i renda da visitar ina giada.

Franz Auf der Maur: «40 Wanderungen zu Schweizer Bergseen». Werd Verlag. 200 paginas. Pretsch: 34,90 francs. Turitg 2002.